

中華民國四年七月十號

湖南巡按使署政報處發行官書報局印

湖南政報

本報廣告登載後頁閱者注意

本報廣告價目原以四號字爲標準如
用三號字加半二號字加倍特此聲明

湖南政報招登各界廣告

本報爲提倡實業起見特稟准自七月一號
起仿照政府公報及各省公報例於後幅加
添營業廣告一門凡各官署官私立學校與
各界商民人等欲登廣告事件請查本報登
載之廣告條例至本公署政報發行所暨南
門外上碧湘街皖南沈宅接洽可也特啓

附登廣告條例

- 一 凡登廣告事件者須先錄稿送經本處核定後方
可照刊如觸及憲法與行政上有關礙抵觸之處
概不登載
- 一 凡各官署及各官有事業機關之廣告向登一日
者依公布例不收刊費一日以外仍繼續登載一
律收費
- 一 凡廣告登載地位係在本報末後均用四號字如
須刊大字圖畫照所佔地位面議
- 一 告白登載三日起碼第一日每字三文第二日每
字二文三日以後每字一文滿月七折一月以後
六折
- 一 凡登廣告照章先繳刊費一律無扣如縮短期限
刊費不退未繳費者恕不登載
- 一 凡登載廣告者隨送本處政報一本一星期內不
另取資

湖南政報目錄

電令

大總統策令

京 虞 齊
電

大總統申令

京 虞 齊

軍政

端武將軍批

警察廳會詳

傷兵行丐情狀可矜懇給日食由

財政

巡按使飭各機關准 審計院咨每月計算書登記各項散數應分別將合計共計總計數目記入由

巡按使批安化知事詳報解經募公債數目由

巡按使飭各機關准 常寧詹拔華稟懇飭縣退還湘路股欵由

巡按使批財政廳據常寧詹拔華稟懇飭縣退還湘路股欵由

巡按使批南縣知事詳報經收六月以前公債票洋一萬元由

巡按使批茶陵知事詳復竹木捐值千抽四較舊案昔多今少由

巡按使批財政廳據湘鄉知事詳請附加稅契由

巡按使批財政廳詳飭核議警廳增加四年預算由

巡按使批兩湖米捐總處詳報三年度米捐收數並賣冊報由

內 務

巡按使飭高審廳 財政廳 四道尹並發代遞電報一覽表由

各知事

巡按使飭財政廳准 內務部咨覆永順保董鄒治廣勦匪陣亡准予照例給卹由

巡按使飭財政廳准 內務部咨復江華保衛團牌長陳連江團丁譚富廣准予照例給卹由

巡按使飭寧鄉縣請解釋選舉資格施行細則第二十一條以便著手調查仰遵照第八十七號飭知辦理由

巡按使批桂陽詳爲議員選選法請咨解釋由

巡按使批武陵道詳請截留船捐補助陸警經費由

巡按使批批龍山知事詳地方經費不敷會紳酌議於訴訟項下抽收費用請予立案由

巡按使批郴縣知事詳致奇商號灑陳苦情轉懇核示由

巡按使批寶慶知事詳復改建唐姓牌坊由

巡按使批警察廳據長沙曾廣培等請捐資設堂聘醫出診由

司 法

大理院覆湖南高審廳函開原告訴人對於鄰縣第二審判決不服可直接請求高檢廳提起上告由

巡按使批岳陽縣詳請准將李美萍等罰銓完案由

巡按使批高等廳詳請准委唐虞鳳充永順縣管獄員由

巡按使批行衡陽道尹據道縣知事詳遵電督飭警圍堵截粵匪情形由

巡按使批行衡陽道尹據東安知事詳報兦克昌二次統衆搶犯歐警奪械各情形由

巡按使批財政廳據桑植知事詳報訊辦雇員丁武臣稅契舞弊情形由

巡按使批行衡陽道尹據祁陽李謝桂稟縱兵放匪懇飭嚴辦由

巡按使電飭各知事懲治盜匪須摘要簡叙以憑核辦由

實業

巡按使飭四道尹據魏允濟函陳礦害各情請通飭各道尹責成知事竭力保護由

雜件

覆查戶口異動施行細則 (續)

廣告

七月十號

四

電令

大總統策令

電

潘斯鎧給予三等文虎章此令

傅程九給予四等文虎章此令

財政總長兼鹽務署督辦周學熙呈擬將本部次長兼鹽務署署長獎心湛叙列一等等語應照准此令

署四川巡按使陳宦電稱嘉陵道道尹戴賡唐聲名狼藉民怨沸騰請予免去本職等語道尹爲一方表率應如何愛民勤政整躬率屬乃竟不恤民言控案纍纍實屬有虧職守戴賡唐著即褫職此令

任命鍾壽康爲四川嘉陵道道尹此令

楊光保授爲陸軍少將此令

財政部呈覆核奉天續辦驗契征收出力人員請照章給予獎勵等語奉天海城縣知事廷瑞增收驗契在六萬圓以上復縣知事蘇鼎銘前錦西縣知事王鴻文增收驗契均在三萬圓以上蓋平縣知事趙孚通化縣知事潘德荃前安東縣知事冉楷前莊河縣知事張勤學前途中縣知事鍾嶽岫巖縣知事劉培荃前錦西縣知事汪本然前興城縣知事陳索瀾新民縣知事廖彭北鎮縣知事顧夢吉增收驗契均在一萬圓以上應均給予五等金質單鶴章以昭激勸

除如所擬辦理此令

陸軍部呈准熱河都統姜桂題咨擬以關興和補翼長那常山補佐領白常松補防禦請予准補等語應照准此令

大總統申令

京電

自世界文明進化一切政治每與技術相緣故一人之身而百工之爲備悉一器之製而百科之學畢陳各國政治大家但須有域外之眼光積年之經驗神明變化尙不必拘拘於技術之有無其餘專門行政凡鐵路電氣礦產銀行以及農田水利織染紡績陶冶皮革土木船舶各項交通實業俱非尋常不學所能知卽教育行政森林行政監獄行政皆須學有名家又經實地練習乃能分功並進極深研幾吾國講求新政亦已有年而於技術一端往往目爲片長曾不得受社會最高之榮譽固由士大夫祇獤虛名不求實際抑亦倡導之者少愛惜人才之意或學矣而不盡其用或用矣而臨以不知誰何之人致使百事墮壞於冥冥之中而官吏萬能之說足以誤國而不悟耶嗣後專門行政必須訪求專門人才不得以一知半解之徒充任其事卽留學畢業亦有高下之不同母得徒采虛聲必先徵求成績國家既隆以待遇社會自予以光榮學校生徒崇尚科學必有精心孤見不讓於歐美諸邦者其能創製新機發明心理尤當被格獎勵懸賞以求布告吏民咸喻此意此令

據振武上將軍督理廣東軍務龍濟光電呈逆首孫文在日本東京倡設救亡會由該逆主持

藉口中日交涉失敗遭黨徒來粵煽亂現飭軍警等在三水地方拿獲該逆黨伍鈞甫一犯訊據供稱受孫逆委任教亡曾廣東第一分部長並由逆首陳炯明派赴新加坡各埠組織機關潛入內地勾結土匪擬先自西北兩江入手各路均有黨人擔任並聲言孫陳兩逆募集捐款倡助私財爲數甚鉅南洋港澳黨羽尙多俟各路布置就緒再開特別大會一致進行各等情不諱並起獲僞旗布告誓約章記等件業經按法鎗斃擬請將在事出力人員分別獎勵等語孫文陳炯明肆意倡亂破壞治安現復託詞勾煽實屬罪大惡極法無可逭該犯伍鈞甫既經獲辦銷患未萌辦理尙屬妥協其餘各黨羽仍著督飭各路軍警嚴拿務獲重懲并著各省將軍巡按使一體防緝請獎各員著一併照准以資鼓勵交陸軍部查照此令

右七月七日電

大總統策令

京電

王驥給予四等文虎章此令

龔心湛授爲少卿此令

國務卿呈據機要局詳請擬將參事曹秉章叙列四等僉事王曾綬叙列五等等語應照准此令

陸軍部呈請將龍升衢授爲陸軍步兵少校應照准此令

大總統申令

京電

據審計院長呈稱申明審計職權請特令通飭京外各官署協力進行等語審計院職司稽核

度支載在約法所以鞏財政之基礎昭大信於中外全國收入支出均應經過審計院依法審查以爲審定稅決算之根據著自民國三年七月分起所有京外各官署每月收支計算暨特別會計之收支計算迅速按照審計法令備具證明單據如式造送該院審查毋許違延並責成該院擬訂各官署違背審計期限及程式處分則例呈候核定分布施行嗣後再有違延情事應即分別懲處其三年八月以前各收支計算應由該院酌量情形迅予核銷以清積案該院爲全國財政上監督機關責無旁貸在京各主管部有支配預算監督行政之責各省該管上級官署有監察所屬督催核轉之責均應協力共籌俾計政進行日臻完密此爲法治精神所在毋得仍前疏泄視爲具文致干咎戾此令

改良監獄仁政所先而囚徒作工足以檢束身心學成職業前據司法部呈閱監獄出品展覽會披覽圖說粲然可觀倘能逐漸進行確求精美既興固有之土貨更杜將來之漏卮且在監人犯習方勤學出獄爲民得以自謀生活洵屬意美法良惟各省情形尙未一致維持提倡端賴長官應責成各該省高等檢察長會同審判廳長稟承巡按使隨時設法切實推行凡屬省會宜有一完全之新監以爲全省模範增設必要科目俾在監人犯全體作工其各縣監獄亦應通飭酌量財力使之分途漸進適於衛生總之新監獄以作業爲感化母徒襲形式之文明舊監獄以除弊爲要圖再徐謀粗淺之工藝務令所收之犯變爲生利之人出監以後永無再犯之事京兆地居首善衆所具瞻獄務改良尤不容緩著京兆尹及時舉辦俾早觀成法下車泣罪之仁采城旦鬼薪之意明刑弼教庶幾遇之此令

右七月八日電

軍政

靖武將軍湯批

批水警廳會詳傷兵行丐情狀可矜想給日食由

詳悉查湘省傷兵卹賞以及助休各金當時係由湘省規定未經報 部核准去歲奉 部文
一律停止發給本將軍俯念該傷兵等血戰沙場犧牲其身構成殘廢喪失機能其情形之可
憫原與得受助休各金不同茲雖通飭發足三年暫爲截止刻正設法籌款以善其後豈忍鋒
鏑之餘生任其流爲乞丐業已傳集各傷兵來署妥爲曉諭該傷兵等應卽靜候撫恤毋得率
黨滋事自取咎戾仰卽知照此批

七月十號

二

財政

湖南巡按使公督飭

爲飭行事案准審計院咨開案查京外各機關支付預算書等格式及用法樣本曾經本院咨行各主管官廳翻印轉發所屬一律遵照并登載於三年十月二十七日政府公報公布施行在案查該項書式內有支出計算書一種僅就款項目節舉其概略其後幅應行合計事項不遽規定原留爲各機關編造活動之地步茲查各機關送到計算書有於後幅第一二三項數目註明合計支出若干元者亦有未填註者辦法參差殊不足以便審核而備參考應由本院補行舉例於每月計算書各項散數記載完結後將合計數若干元自會計年度開始之日起截至上月止共計數若干元並截至本月止總計數若干元分別記入例如現在編造四年五月分支出計算書後幅應添註二行一本月支出合計若干元一四年一月至四月共計支出若干元一總計支出若干元即一月至五
月總計之數必須臚列詳明以資審辦除分行外相應咨請 貴巡按使查照辦理并分別轉行所屬一體遵照可也等因准此除分行外合行通飭飭到該處

道尹知事即便遵照辦理此飭

巡按使陶思澄

右飭各機關

准此

湖南巡

按使印

中華民國四年七月一日

巡按使陶批

批安化知事詳報解經募公債數目由

詳悉該知事經募四年公債原認之五千元現已如數解清加募之三千元又經繳解千元辦事認真尙能補過仰卽將未繳之款督飭在事員紳趕緊催齊依限報解以濟要需至西廣湘三帮茶商既擁鉅資復獲厚利當此時艱孔亟自應踴躍認購共紓愛國熱忱着卽遴派得力紳耆傳諭該商董事切實勸導曉以大義並將公債之利益詳細敷陳務令慷慨解囊共維大局一面措集成欵尅期批解爲要此批

批財政廳據常甯詹拔華稟懇飭縣退還湘路股欵由

查該縣王子年鐵路租股一項曾于民國二年據該前知事黎景湘詳報除已解錢三千串外未解者計錢一萬三千三百五十餘串文其中因公挪用者近一千串其餘均係前財產管理處處長鄧子祥兄弟所開同春錢店虧挪已將其財產查封備抵並拘其子鄧少農到案押追等情比由前內務司批飭嚴行追繳在案前據稟稱該民等在縣稟奉知事批示原解路股三千串已將股票派員赴省換領証券未解之款在前財產管理處虧欵案內追賠三千餘串發

商生息其餘被同春虧欠等情是一萬三千餘串之款尙祇續行追獲三千餘串鄧子祥兄弟前管地方財務虧欵巨萬斷難任其久懸究竟該縣知事查追情形如何未據詳覆無憑懸揣仰財政廳轉飭常寧縣知事遵照前今批示妥迅辦理具復核奪母再延忽切切此批

批酃縣知事詳爲開征四年上忙田賦日期並整頓征收辦法由據詳已悉所擬整頓徵收方法並製定徵糧換券單用意甚爲周妥應准如詳備案仰卽知照此批

批南縣知事詳報經收六月以前公債票洋一萬元由

詳悉該縣籌募四年公債所有六月以前收集債票洋一萬元旣據彙齊批解財政廳核收應准備案其餘之欵應卽趕緊催齊如限報解以濟要需毋稍延誤此批

批茶陵知事詳復竹木捐值千抽四較舊案昔多今少由

詳悉該縣辦理學警抽收竹木捐如果從前值百抽一現在改爲值千抽四是昔多今少該木商譚鴻文等何至來省具控據稱定章木簰每抬抽洋三元竹簰每抬抽洋一圓六角準以值千抽四之例是木簰每抬價值當在七百圓以外竹簰每抬亦在四五百元之譜恐無是理事關人民負擔未便稍涉含混仰再詳細調查妥擬辦法據實陳明以憑核奪此批

批財政廳據湘鄉知事詳請附加契稅由

詳悉該縣田賦截留悉數被提契稅存留亦悉數解庫地方經費支絀擬請于賣稅項下遵章

附加地方稅一分以資補救核與定章相符應准照辦仰財政廳轉飭遵照此批

批財政廳詳遵飭核議警廳增加四年預算由

據詳已悉本使復查該廳預算服裝一項係按長警公丁全體更換計算究竟此項服裝不必歲更應定服用二年或三年之期每年照定期分攤成數添製經費自可節省從前既擬將節出佃租移用今雖各署未能盡撥公產佃租一項無此餘款然該廳及各署辦公雜費兩項原列預算尙多寬浮儘可於此節減騰挪不必另請增加致干部駁至消防一項該廳爲萬一之過慮尙無事實之急需應卽暫從緩辦惟戶口異動關係警政之作用非可置之緩圖且原案所指之旅館營業捐今可規復征收以資抵補應准着手進行但所擬預算目節開支仍嫌糜費仰將調查戶口異動手續與辦事細則詳候核奪再行核定經費以免窒碍而節虛浮除飭行警廳遵照外仰卽知照此繳

批兩湖米捐總處詳報三年度米捐收數並賈冊報由

據詳已悉查核所賈冊表總數尙無錯誤惟支出收據應送交財政廳查核茲特將粘存簿八本發還仰卽檢同表冊各一份一併轉送財政廳查核辦理具報此批冊表存收據并發

內務

湖南巡按使公署飭

爲通飭事案查、湯前兼民政長任內以湘省各縣未設電局者居多凡遇電飭之件其不通電各縣均須由附近電局專送不惟虛糜力費亦且稽延時日自非責成通電各鄰縣就近轉遞殊不足以資便利當經查明通電與不通電各縣列成一覽表并規定轉遞辦法十條通飭遵辦在案茲據鄂湘線路總管俞兆桐電稱祁陽衡遠道縣永明江華等縣均經設立電局直接通電所有前頒一覽表亟應查明更定以資遵守除由本公司署油印多份通飭外合行飭仰

該道尹
廳長
知事) 卽便查照辦理此飭

計發一覽表一紙

署湖南巡按使陶思澄

右飭

財政廳長
高等審判廳長
四道尹
各縣知事

准此

湖南巡

按使印

中華民國四年七月三日

附各縣代遞電報一覽表

通電各縣

岳陽

澧縣

益陽

常德

沅陵

辰谿

鳳縣

芷江

會同洪江局
專送

寶慶

湘潭

衡陽

耒陽

郴縣

零陵

轉遞各縣

平江

臨湘

安化

桃源

漁溪

觀浦

乾縣

麻陽

綏甯

新化

瀏陽

常德

永興

資興

安仁

桂陽

臨武

宜章

桂東

汝城

華容 南縣

石門 安鄉

沅江 漢壽

永綏 永順

古丈 保靖

龍山 桑植

通道 靖縣
新甯 城步

武岡

通道

靖縣

新甯

城步

醴陵

甯遠

茶陵

攸縣

藍山

新田

嘉禾

黔陽

洪江局
專送

慈利

祁陽

道縣

湘陰

湘鄉

寧鄉

衡山

臨澧

晃縣

永明

江華

湖南巡按使公署飭

爲飭知事案准 內務部咨開准咨陳上年九月間積匪甘老九等聚衆燒燒永順縣內龍溪

警察分署肆行搶劫署長鄒忠會同團警併力捉捕中途遇伏保董鄒治廣與團丁林四被傷殞命除團丁林四業由該縣知事詳請在於匪產變價項下給卹毋庸再卹外至保董鄒治廣勦匪捐軀請照巡長因公殞命例給卹咨請查照等因并附送事實清摺一扣到部查永順縣保董鄒治廣因剿匪被傷殞命核與保衛團條例第十八條第五項及第二十條所規定之事實相符應准援照警察官卹金給與條例按巡長因公殞命例分別給予一次卹金二百元遺族卹金五年一百元以資撫恤其卹金希由貴使發給除彙咨財政部備案外相應咨行查照飭遵可也等因准此除由本公署將該已故保董鄒治廣應給一次卹金暨遺族卹金各項証書分別填就飭發永順縣知事轉發具領外合行飭仰該廳長卽便遵照此飭

巡按使陶思澄

右飭兼代財政廳廳長唐人寅准此

湖南巡按使印

中華民國四年六月二十八日

湖南巡按使公署飭

爲飭知事案准 內務部咨開准咨陳據江華縣知事黎瑛詳稱本年四月三日有大股匪徒百餘人由道縣猺山竄入滋擾當由保衛團團長廖發軔督率團丁由大路截擊行抵拐冲地

方陸遇匪黨開槍射擊牌長陳連江團丁譚富廣均中彈陣亡造具事實表詳請轉咨照例分別核卹等因到部查該牌長陳連江團丁譚富廣均因勦匪遇害殊堪憫惻核與保衛團條例第十八條第五項暨第二十條所規定之事實相符應照警察官吏卹金給與條例第六九兩條之規定并比照附表第一號巡長巡警之例陳連江給予一次卹金二百元暨遺族卹金五年年給一百元譚富廣給予一次卹金一百元暨遺族卹金五年年給五十元以慰幽魂而資養膳除彙咨財政部外相應咨復查照飭遵其卹金希由貴巡按使照數發給可也等因准此除由本公署將已故保衛團排長陳連江團丁譚富廣應給一次卹金暨遺族卹金各項証書分別填就飭發江華縣知事轉給各該遺族受卹人具領外合行飭仰該廳長卽便遵照此飭

巡按使陶思澄

右飭兼代財政廳廳長唐人寅准此

湖南巡

按使印

中華民國四年六月二十五日

湖南巡按使兼國民會議暨立法院議員覆選區選舉事務所飭
爲飭知事據該初選監督代貢電稱案查選舉資格施行細則第二十一條內開本細則所稱之各種資格證明書件於調查時須依照法令貼有如額之印花者爲憑由調查員於印花上

騎縫蓋用查訖戳記又奉鉤所飭發籌備立法院事務局咨文內開印契未貼印花者調查員先無從蓋戳於上按諸調查程序殊有未合故遇此項情事應由調查員勸令補貼以符法定手續等因自應遵照惟查印花稅章程買契當契並無須貼印花之規定且知事前奉財政廳通飭投稅田房契據不貼印花特別印花現在又未頒到若調查員強令貼現用印花選民必不承認懇詳示辦法以便著手調查等因據此查此種疑義於事務局咨覆直隸覆選監督文內已經解釋業於第八十七號飭知在案仰即遵照辦理此飭

巡按使兼覆選監督陶思澄

右飭辦理國民會議暨立法院議員寧鄉縣初選監督准此

湖南巡
按使印

中華民國四年七月一日

巡按使兼復選監督陶批

批桂陽縣詳爲議員選舉法請咨解釋由

詳悉文官任職表各部主事既列於委任欄內是民國各部主事當以委任職論又稱省公署及道公署之薦任待遇之據屬兩級公署究屬何項職務等語查此項疑義於事務局咨覆奉天覆選監督文內已經解釋業於第七十六號飭知在案仰即查照此批繳

巡按使陶批

批武陵道詳請截留船捐補助陸警經費由

詳悉船捐性質應屬省地方收入故由財政廳詳請咨部歸廳統一辦理現在迭准部電水師改編水警經費不敷之處卽以提收各屬船捐彌補業經 劉前使覆 部有案所請將該捐截留仍舊補助該處陸警經費之處應毋庸議仰卽知照繳

批龍山縣知事詳地方經費不敷會紳籌議擬請於訴訟項下抽收費用請予立案由

詳悉該知事以地方經費不敷會紳籌議擬請於訴訟項下抽收查驗費錢六百文由具狀人先向財務保管處繳納加蓋戳記然後方准赴縣投遞不特辦法未合且與司法一方面殊多障礙所請立案未便照准仰卽會商公正紳董另行籌款妥爲議擬詳候核奪此繳

批郴縣知事詳致奇商號瀝陳苦情轉懇核示由

據詳已悉查致奇商號因上年亂事損失稟請給卹前該知事轉詳到署已批行衡陽道尹轉飭遵照在案仰卽遵照前批辦理繳

批寶慶縣知事詳復改建唐姓牌坊由

據詳已悉查該牌坊前後餘地均被舖屋遮蔽覓地遷移自可不致湮沒似無建祠立後之必要均和典既承認捐欵改修應估計購地及建築費共需若干責令繳出此外不得苛索以杜覬覦仰卽遵照辦理此繳

批警察廳據長沙曾廣培等請捐資設堂聘醫出診固屬熱心公益原無不可惟此項診堂關係極重
稟暨規則均悉該民等捐資設堂聘醫出診固屬熱心公益原無不可惟此項診堂關係極重
不可不切實調查仰警察廳按照所稟各節逐一查明具報核奪此批刻實規則發
並挂

司法

大理院復湖南高等審判廳函（統字第二百七十六號）

逕復者准貴廳函開查縣知事審理訴訟暫行章程第三十八條第二項後半載原告訴人或其代訴人得向第二審審判衙門呈訴不服請照上訴審程序辦理等語似於刑事原告訴人或其代訴人祇許呈訴不服於第二審審判衙門不能再向上告審審判衙門呈訴不服惟湘省地方審判廳設置頗少凡縣知事之原審事件應屬初級廳管轄者係以鄰縣爲上訴機關前經詳請司法部批准在案是湘省情形與縣知事兼理訴訟章程第三十六條第二款不同如刑事原告訴人或其代訴人對於鄰縣之第二審判決仍有不服既無檢察官代爲提起上告又似爲定章所限不能逕自呈訴不服於上告審審判衙門究竟此種呈訴案件敝廳應否受理頗滋疑義案懸待決相應函請鈞院迅予解釋賜覆等因到院本院查鄰縣審理上訴案件原係縣知事審理訴訟暫行章程第三十六條第一項之例外揆諸該條款立法原意此等案件應否提起上告除被告人外其權仍屬於檢察官各縣雖未設檢察官而本於檢察一體之原則原告訴人等對於鄰縣第二審判決如有不服仍可直接請求高等檢察廳提起上告相應函復貴廳查照可也此復

中華民國四年六月十六日

巡按使陶批

批岳陽縣詳請准將李美萍等罰銀完案由

詳悉此案李美萍李西郊係屬違犯烟禁毆傷員勇重犯疊經批飭嚴拿究辦在案茲據稱該犯李美萍病故他鄉李西郊遠颺未歸擬將該犯等以前變產錢六百千文作爲罰金等語姑准如詳辦理惟李西郊一犯仍責成該知事躡緝務獲重懲以儆兇頑而肅烟禁仰卽知照繳

批高等廳詳請准委唐虞鳳充永順縣管獄員由

詳及履歷均悉永順縣管獄員沈拔前經該縣知事車賡詳請撤任所遺員缺該廳擬請委任唐虞鳳接充既據諮詢同級檢察廳同意應予照准仰卽由廳給狀委充可也此批

履歷存

批行衡陽道尹據道縣知事詳遵電督飭警團堵截粵匪情形由

據詳已悉該保衛團團長唐熙駐隊井塘市聞有股匪聚集曾草坪猺山督隊前往捕追三日與匪撞於毛家冲地方開鎗擊斃匪徒十三名并擊傷多名奪獲鎗枝兩件餘匪逃竄無踪該團長及團丁人等捍衛桑梓頗稱盡力實堪嘉尚着即由該知事傳諭嘉獎以後益加奮勉永保公共之治安仰衡陽道尹轉飭遵照仍候 將軍署批示繳

批行衡陽道尹據東安知事詳報俞克昌二次統衆搶犯毆警奪械各情形由

據詳已悉查前據該知事詳報俞克昌父子被控抗傳糾衆行兇等情比經批飭選派警隊設法拿案在卷茲據稱派副隊長帶隊十六名及承發吏十名前往拘獲俞克昌之子俞起松行至中途仍被刦去并傷警隊多名奪去子彈三排刀鞘一件似此兇悍蠻橫目無官長推其伎

倆亦復何事不可爲該知事徒事張皇一再詳報並無正當之制裁其身爲民牧之謂何仰衡陽道尹轉飭該知事迅日加派警隊前往該村務將俞克昌父子一併拘拿到案從嚴訊擬詳報以息刁風而申法紀毋稍姑容致干查究切切繳

批桑植知事詳報訊辦僱員丁武臣稅契舞弊情形由

詳悉該縣署稅契僱員丁武臣填寫契價以多報少雖據訊稱係因染患疾病委託人丁祖容代行職務手續錯誤所爲該僱員引用非人貽誤要公實屬罪無可逭自應按律懲處以儆效尤既據該知事按照新刑律第一百四十七條及五十四條處以五等有期徒刑十個月應准照案執行仍應咨行大庸縣知事嚴拏在逃之丁祖容到案嚴訊究辦毋任漏網并將從前經手填寫各契澈底清算有無舛錯弊混審究具報仰財政廳轉飭新任桑植縣知事知照此批

批行衡陽道尹據祁陽李謝桂稟縱兵放匪懲飭嚴辦由

稟悉警備隊原爲防禦匪盜而設該隊兵唐永慶等既在譚家橋拏獲匪犯賀烏麻子自應妥慎護解何至以六兵共解一匪尙復任其中途脫逃則已顯有賄縱情弊該縣捕務如此無怪匪勢猖狂揚言報復擾害閭閻仰衡陽道尹轉飭祁陽縣知事迅日提集唐永慶等及賀南山賀作霖并桂華亭一體到案確切研訊嚴擬一面另派幹隊將賀烏麻子及唐治全等各匪嚴密緝拏務獲究辦仍將辦理情形隨時具報察奪毋稍迴護致干未便切切此批副稟發

電文

各屬知事

巡按使電飭各知事懲治盜匪須摘要簡敍以憑核辦由各屬知事懲治盜匪必須詳慎嗣後各該知事電請懲辦之案須將事主姓名犯事地方犯罪事由摘要簡敍以憑核辦仰卽遵照巡按使陶青印

實業

湖南巡按使公署飭

爲通飭事案據常未錳鑛局總辦魏允濟函稱竊查湘省鑛產之富甲於環球開採寥寥厥有數點非迷信風水故事阻撓卽藉端把持敲詐破壞或聲言運道水陸妨礙田廬或結黨營私乘隙席捲血本甚至侵吞被控公然廣發傳單詆毀要挾設爲縣警拘押膽敢夤緣鬼脫演說登臺種種影響損害良多允濟所辦錳鑛尙蒙上項之欺凌其他可想而知倘求地方官傳案勸導非不認真調和無如陽奉陰違故態易復卽以錳鑛現在所受激刺而言殊屬忍無可忍蓋所轄各廠鑛工較多去歲未陽縣象江口地方因運鑛舟子與土人畧有衝突釀成聚衆毆搶之事當經縣署拘辦至今尙未結案錳鑛局極願和平結束捐助若干以冀解決而該處土人仍堅持不准錳局開工運鑛幾及經年損失尤鉅屢催縣署提訊具結輒復以民情强悍無能爲力如此敷衍刁風適長况調查內容亦僅二三惡霸借端敲吹倘知事有嚴重懲辦自易就範疲軟因循致啓其漸餘如未陽縣錳局甲廠主任陳治安侵吞巨款霸廠不交訴諸公堂僅勒具限狀迄今尙逍遙事外未聞追繳分文是地方官視商鑛爲無足輕重之事業任意市恩長此終古何堪設想允濟受公司付託憤急萬分迫不得已惟有稟求量予維持通飭各道尹嚴札縣知事遇有上項事端發生責成地方官廳竭力保護從嚴懲辦等情據此查近來各屬地痞對於各處出產較旺各鑛每每肆意滋擾甚或焚燒棚廠劫掠財物節經本署隨案飭行

該管知事嚴加懲辦並經劉前巡按集於本年一月通飭各屬查明境內開辦鑛產安爲保護在案各該知事應如何切實奉行以期剗除前項惡習乃擾害鑛業之案仍日有所聞殊違本署振興鑛政之意茲據前情合行飭仰該道尹轉飭各屬一併查照竭力保護分別懲辦該道尹責在督率尤應隨時考叢責成切實辦理應湘鑛日興利源日闢裕國裕民所關匪細再現因歐戰影響鑛價飛漲各屬貧民往往趁鑛商採集之隙任意拾取偷竊輒轉售賣馴至相爭相競釀爲鉅案縣知事有地方之責尤宜防範於未然仰併轉飭留心保護勿稍疏縱是爲至要切切此飭

巡撫使陶思澄

右飭四道道尹 准此

湖南巡

按使印

中華民國四年七月三日

農商部飭第五百四十二號

爲飭知事吾國鑛產之富中外艷稱特以調查之法素欠講求遂至地寶久藏莫由發見本部歷派華洋技術員等分往各處實地查攷然全國區域廣漠到處人地生疏未免勞多功少茲特訂定調查礦產規則七條表式二紙並採集標本說明書四款責成各縣各財政廳暨本部

華洋技術員羣策羣力順序漸進除分飭外合行檢同規則二分飭知該廳遵照辦理並仰將此項規則油印飭發各縣一體遵照此飭附規則二分

農商總長周自齊

右飭各省財政廳

准此

部印

中華民國四年七月四日

農商部調查鑛產規則

第一條 調查鑛產分三級進行

(甲) 縣知事查報

(乙) 財政廳鑛務技術員查勘

(丙) 農商部技術員查勘(各團體之經農商部允准自往查勘者照此)

第二條 各縣知事應將其境內所有鑛產無論已開未開依本規則第一或第二號附表造具表冊二份連同鑛質三塊隨時詳報財政廳

前項鑛質每塊長廣厚均須在三寸以上(其難得大塊者不在此限)每塊應用或布包裹內夾紙片註明種類產地採集人姓名及採集年月

縣知事每次詳送鑛產表冊應附繪該縣畧圖(縣志內或鄉土志內大抵有之可以描繪)

並於圖內註明採得各種礦質之處

第三條 各省財政廳收到前條詳報文件應隨時將表冊一份礦質每處每種兩塊詳送農

商部

財政廳應常派技術員調查各該省內礦產繪具圖說採集標本報告農商部

第四條 農商部接到各財政廳或縣知事所送報告圖表應由鑛政司審查編訂呈候總長

擇要派員覆勘

農商部收到部員或各廳各縣所送之礦質均由鑛政司以一份交化驗處化驗一份交陳列處陳列但陳列之品須經總長核定

第五條 部員廳員調查鑛產應遵照左列各項之規定

(甲) 報告圖說務極詳明對於礦質之優劣鑛苗之衰旺地勢之險夷水患之大小開採之難易通道之便阻銷路之衰旺稅則之利弊產額之多寡均須詳查記載

(乙) 採集鑛質應照本部採集鑛質說明書行之

(丙) 除查明以上各項外所有該處地質情形廳員應具簡說略圖部員應更詳細測量備製五萬分之一之地質圖

(丁) 已開之鑛無論西法土法其坑道通風洩水以及選鑛煉鑛各種方法均須詳細調查繪圖列說以備參攷

第六條部員暨各廳各縣調查鑛產報告圖表應由農商部鑛政司分期審編呈候總長核定
發刊未經頒布以前部廳縣各員不准發表違者處以相當之罰

第七條部廳縣各員調查成績每屆年終由農商部鑛政司開單呈候總長核獎並於報告刊
本內註明調查員姓名以明責任而彰勤能

採集鑛質標本說明書

一、採集鑛質可分爲兩種一備陳列一備化驗備陳列者宜求整齊精美每塊長寬均須
約七寸厚約四寸（其無大塊可採者不在此例）備化驗者宜求得該鑛平均成分應從
存貯鑛質各堆中每堆雜取零星小塊多枚至少約須一斤蓋一磅所出之鑛成分不一
所採標本不可過優亦不可過劣由各堆多取小塊則易知該鑛平均之成分也

二、鑛脈附近之岩化石須一併採集送部岩石每塊長廣約三寸厚約一寸

三、已開之鑛就近揀選淘洗者其粗鑛（未經揀選淘洗者）精鑛（已經揀選淘洗者）製
煉品（已經提煉者）均須採集採集之法照第一項所言惟貴重金屬之製煉品（如金
銀）則可不必

四、所採標本均用布袋裝貯袋口紮以麻繩另用紙片書明產地採集者姓名及採集年
月摺疊數次製袋口再用麻繩如前紮於其上布袋之面用墨筆按照附表書明號數其

備陳列用標本如礦質過軟易於破碎須裝寄時多加棉絮枯草以防損害

附表第一號

已開之鑛
適用之

備考

第種地	開採點	採用方法	開採工數	礦工人	號類點	年月	創辦人姓名	開採地畝數	鑛地畝數	資產額	運銷產額	官辦商辦或官商合辦
省縣村在縣城	方里	西法開採	主要鑛產	附屬鑛產	人	人	人	畝	畝	額	額	辦於

附表第二號

未開成停辦
之鑛適用之

種第地開

備考

號類點採

省官民地

已開於年停歇

縣村在縣城里

附主要鑛產

方里畝

七月十號

二十六

雜件

覆查戶口異動施行細則（續）

第三條 每日輪派覆查長警應由各署主任巡長按照規定班次屆時呼喚整隊齊出不得稍有延誤。

第四條 各警出查時應由本班巡長查點人數督隊齊出回署時亦須按照鐘點不得先後參差。

第五條 各長警值查戶口班次時間不得藉故請假及請人替代。

第六條 長警出查戶口須一律穿着制服整齊服裝與服務無異惟不得攜帶槍枝啓人民駭異。

第七條 各長警應將該管人民身分調查詳晰分別種類其分別之當否由該署長員按照第八條查核辦理（但居民有在各衙署局所供差及雇賃者調查未確定時應由該區隨時面詢各該管長官及管理人）。

第八條 人民身分區爲甲乙丙丁戊己六種其分等之方法如左
甲等

一、有勤勞於國家者

二、本項所稱勤勞指曾經

大總統獎受勳者及各項勳章者而言

二現在高等官吏或曾任高等官吏者

本項所稱高等官吏指現時薦任以上各職（京官自僉事以上外官自知事以上均是）及以薦任待遇之掾屬（如特任、謫任或特別薦任官署之秘書科長是）

三碩學通儒

本項所稱碩學通儒者指博通古今或中外學術富有著作曾經刊刻通行實係裨益於國家社會者而言其著作雖未刊行而有相當之證明亦以碩學通儒論

四在本國或外國高等專門以上學校三年以上畢業或有與高等專門學校畢業相當之

資格者

本項所稱高等專門以上學校指本國或外國國立或公立或私立大學及高等之各項專門學校經教育部核准立案者至稱相當資格指依一定之考試在前清時得有舉人以上之出身者而言

五在高等專門以上學校充教員三年以上者

本項所稱教員係指教授該校主任科目而言

六出身正當有三萬元以上之不動產者

本項所稱不動產指田地房屋及各項建築營造物等類即舟車亦視不動產

未完

本報緊要啓事

逕啓者頃查訂閱本報各處積欠報費甚多除各縣知事公署所欠報費已稟請
由財政廳一律扣繳外所有自本年一月四日起至六月三十日止各處積欠之報費郵費合
行分別開單登報催繳務希於見報後從速寄交本處以清公款至爲囑盼特啓

巡按使公署政報處

計開

辰沅道一份該洋四元四角七分

衡陽道一份該洋四元四角七分

武陵道一份該洋四元四角七分

衡州澄湘水師司令部一份該洋四元四角七分

岳沅水師統帶本部一份該洋四元四角七分

岳沅水師第一營一份該洋四元四角七分

岳沅水師第二營一份該洋四元四角七分

洪江五區第一營一份該洋四元四角七分

北河保商公團一份該洋二元七角七分

胡桐琴一份該洋二元九角一分

寶慶派報社一份該洋十元

靖港鹽局一份該洋四元四角七分

衡州派報社五份該洋二十二元三角一分

零陵第六聯合中學校一份該洋四元四角七分

常德地方審判廳一份該洋一元九角七分

汝城財產管理處一份該洋四元四角七分

澧州中學校一份該洋四元四角七分

零陵教員養成所一份該洋四元四角七分

湘鄉張石遊一份該洋三元七角

瀏陽王樹德堂一份該洋三元零七分

武岡保安局一份該洋四元四角七分

瀏陽彭含真堂一份該洋四圓四角七分

平江李組丹一份該洋二圓六角

攸縣商務分會一份該洋四圓四角七分

鄉縣普育學校一份該洋四圓四角七分

衡陽第三師範學校一份該洋四圓四角七分

靖港釐局一份該洋一圓五角一分

㮾梨市釐局一份該洋七角七分

永明羅洪泰號一份該洋四圓四角七分

耒陽教育會一份該洋四圓四角七分

常德第二師範學校一份該洋四圓四角七分

天津沈悟盦一份該洋四圓四角七分

藍山閣邑總局一份該洋四圓四角七分

攸縣余鞠園主人一份該洋四圓四角七分

益陽商務分會一份該洋四圓四角七分

平江官礦局一份該洋四圓四角七分

浙江河釐局一份該洋四圓四角七分

衡陽第三女子師範學校一份該洋四圓四角七分

湘鄉高等小學校一份該洋四圓四角七分

瀏陽益豐慶號一份該洋四圓四角七分

茶陵教育會一份該洋三圓四角七分

靖口警西區一份該洋一圓一角四分

藍山鍾耕經堂一份該洋二圓二角七分
零陵中學校一份該洋三圓三角

郴縣商務分會一份該洋一圓三角七分
常德商業學校一份該洋一圓四角七分
衡山釐局一份該洋一圓三角一分

臨澧學董辦公處一份該洋三分

常德童澤生一份該洋一圓三角六分

湘鄉警察署一份該洋四角四分

辰州馮怡長堂一份該洋八角

永明監獄署一份該洋二圓五角二分

安化第一高等小學校該洋三角八分

梨梨江女學校一份該洋九角六分

攸縣監獄廳一份該洋一元八角三分

東安監獄廳一份該洋一元一角五分

保靖監獄署一份該洋二元一角五分

茶陵集益書局一份該洋六角八分

沅澧水上警察廳一份該洋一圓三角

零陵典獄廳一份該洋一角五分

醴陵權運局一份該洋七角

湘陰水上警察廳一份該洋四角

寧遠教育會一份該洋一圓五角一分

七月十號

三十四

廣告

完全商務印書館修正最適用之教科書
華股

教育部批

據上海商務印書館稟及

○初等小學春季新修身

一至八冊

教授法

一至八冊

○初等小學秋季新修身

一至八冊

教授法

一至六冊

○高等小學春季新修身

一至六冊

教授法

一至六冊

○初等小學春季新國文

一至八冊

教授法

一至八冊

○高等小學春季新國文

一至六冊

教授法

一至六冊

○高等小學秋季新國文

一至六冊

教授法

一至六冊

○高等小學春季新歷史

一至六冊

教授法

一至六冊

均閱悉該書疊經先後批示公布各在案此次彙呈到部所改尙臻妥善應准備案作

爲教員學生用書原書發還此批

民國四年三月三十日

教育部批

據上海商務印書館稟及重訂

○○高等小學春季新地理

一至六冊

均閱悉查該書業經公布在案其修正處尙屬妥適應准備案作爲高等小學校教科書原書發還此批 民國四年三月三十日

教育部批

據上海商務印書館稟及

教育

部批

據上海商務印書館稟及

教授法

一至六冊

教授法

一至六冊

○○高等小學秋季新理科

一至六冊

教授法

一至六冊

○○高等小學春季新理科

一至六冊

教授法

一至六冊

均閱悉此書修改均甚妥適應准存案作爲高等小學校秋季始業及高等小學春季

始業教科及教授用書原書發還此批

民國四年三月二十七日

教育部批

據上海商務印書館稟及

教育

部批

據上海商務印書館稟及

教授法

一至八冊

教授法

一至八冊

○○初等小學春季新算術

一至八冊

教授法

一至八冊

○○初等小學秋季新算術

一至八冊

教授法

一至八冊

均閱悉此書前經本部陸續審定疊次公布在案該館不惜工本悉心修改精益求精

至堪嘉尚准予備案原書發還此批

民國四年四月五日

上海商務印書館謹錄

湖南政報刊誤表

日期	門類	頁數	行數	誤
二	電令	一	五	王禁同
一	十二改組之日	一	王祖同	文正
十	五日久生疏	日久生玩		
二	二二倘敢疏視民瘼	倘敢玩視民瘼		文

湖南政報

廣告

謹擇陰曆五月十八

本號開設長沙省城太平門內金線巷新建西式門面坐南朝北專辦各種極

建福 賴萬盛煙號

品條絲照碼九扣一月承購煙一封附贈建麵一枚每逢朔望購烟二百文亦

先行交易擇吉開張 贈一枚如蒙賜顧請認明壯丹圖條絲商標爲記庶不致悞 本主人謹啓

龍錦華繡業

本館開設湖南省黃道街商務印書館對門歷有數年經前清勸業道譚通飭各府州縣
凡有研究刺繡須仿本館章程規範繡刺方法以期進步時同翻新日進文明歐西各國
咸以工藝爲立國之基本主人不惜重資聘請女工專繡相片人物山水走獸翎毛並仿
中外名人書畫古今法帖精益求精求精茲格外克己照碼七折以副 諸君之雅意如蒙
鑒賞即乞 惠臨本主人不勝歡迎也

湖南絲桐學社布告

本社附設熊浦工業補習學校內在瀏陽門菜根香專收古琴研究古樂庶
保存國粹於萬一倘有同志者不棄枉顧實所懽迎同人謹啓

聯語

人間金玉一毫無，半貧半富半清貧。
身外是非多煩惱，內在謙虛少怨尤。

對聯

人間事事難如意，世上人人不識才。
惟有文章能通達，方知學業可成才。

對聯

人間事事難如意，世上人人不識才。
惟有文章能通達，方知學業可成才。